





UNE GNOVE PAR DUCJ

## SCOLTECURTE



Sêstu stuf di stâ a cjase? No tu sâs ce fâ?  
Ti plasial fâti contâ storiis?

**VÛSTU SCOLTÂ UNE CONTE  
CURTE PAR FURLAN?**



**BULO! CEMÛT ÂSTU DI FÂ?**

Clame il numar **328-0665261** dopo lis 19.00  
e ti rispuidarà l'Ostîr in persone!



**FACIL! E DOPO?**

Cuant che l'Ostîr al dîs "Pronto?" tu rispuint  
"Scoltecurte!" e lui al tacarà a contâti la  
storie...

Scoltecurte e je une iniziative  
de Ostarie leterarie furlane  
di Contecurte

Ven a cjatânus su [www.contecurte.eu](http://www.contecurte.eu)

O vin pôc altri di zontâ. Al è dut scrit chi parsore, te infografiche de nestre Sartore, metude adun cu lis ideis di chel mat dal Ostîr, cui sugjeriments de Coghe. Al è saltât fûr chest **ScolteCurte**, che par cumò o vevin pandût dome ai iscrits ae nestre Liste di Contecurte, ma che cun chest articul al divent uficiâl. L'Ostîr za di cualchi dî, al ten sot man un pac di contis, e se lu clamais al numar 328 066 5261 e **cuant che us dîs "Pronto" i rispuidês "ScolteCurte!" lui us contarà une storie al telefono**. Une sorte di juke-box ispirât a Rodari, insome, par fâ passâ un pôc il timp a cui che al è masse stuf di stâ sierât in cjase.

E za che o sin, us visin che al è in vore il **CovidCurte Day 20**, la gare di contis che e je in spiete la vuestre conte... O viodin che la creativitât e pâr jessi sparide, ma forsit in nestris fidâts Contecurtârs a son dome in vore a pensâ une bieles storie di mandânus. Al è timp fin a Pasche, dai, no je premure. Intant **fasêt zirâ la vôs, plaseit e condivideit l'event!**